

ՍՄԿԻ XXVI ՀԱՄԱԳՈՒԽԱՐԸ ԵՎ ԳԱՂԱՓԱՐԱԿԱՆ ԱՇԽԱՏԱՆՔԻ ՄԻ ՔԱՆԻ ՀԱՐՑԵՐ

ԳՐԻԳՈՐ ԱՅՎԱԶՅԱՆ

Կոմունիստական կուսակցության և սովետական ժողովրդի կյանքում ՍՄԿԻ XXVI համագումարն առանձնակի տեղ ունի: Այն մեծ ուշադրություն նվիրեց նաև գաղափարական աշխատանքին: Այժմ տեսնենք թե ինչով էր դա պայմանավորված: Կուսակցության գաղափարական-դաստիարակչական աշխատանքի դերի հետագա բարձրացումն ամենից առաջ պայմանավորված է կոմունիզմի կառուցմամբ: ՍՄԿԻ XXVI համագումարը, ինչպես հայտնի է, որոշեց կուսակցության տնտեսական քաղաքականության խնդիրները 1980-ական թվականների համար, հաստատեց ՍՍՀՄ տնտեսական և սոցիալական զարգացման հիմնական ուղղությունները 11-րդ հնգամյակում: Զարգացած սոցիալիզմի պայմաններում արագանում է սոցիալական զարգացման պրոցեսը, դպալիորեն աճում են տնտեսական շինարարության մասշտաբները, ավելի ու ավելի բարդ խնդիրներ են ծառանում մեր առջև: Այս ամենը, հասկանալի է, պահանջում է կատարելագործել գաղափարական աշխատանքը, որը կոմունիզմի համար մղվող պայքարի կարևոր ճակատն է: Զարգացած սոցիալիզմին բնորոշ է ժողովրդի կուլտուրայի, կրթվածության, նրա իրազեկության բարձր մակարդակը: Քանակապես և որակապես ընդլայնվել է մեր գաղափարական աշխատողների տրամադրության տակ եղած միջոցների զինանոցը: Ամենօրյա ինֆորմացիայի հուսալի միջոց են 380 միլիոն օրինակ թերթերն ու ամսագրերը: Մեզ մոտ ամեն օր լուսավորվում են 75 մլն հեռուստացույցների էկրաններ¹: Եթե 1965 թ. 100 ընտանիքին ընկնում էր ընդամենը 24 հեռուստացույց, ապա 1980 թ.՝ 85: Միջին հաշվով յուրաքանչյուր ընտանիք ստանում է 4—5 թերթ ու ամսագիր²: Մեր հանրապետությունում ներկայումս լույս է տեսնում 120 անուն թերթ և ամսագիր՝ 2 մլն 200 հազար միանվագ տպաքանակով³: Հայկական հեռուստատեսությունը հաղորդումներ է տալիս երկու ժրագրով, ռադիոն՝ 3:

Անդրադառնալով գաղափարական աշխատանքի հրատապության հարցերին, ՍՄԿԻ XXVI համագումարն ուշադրություն հրավիրեց մի հանգամանքի վրա ևս: Նոր մարդու դաստիարակությունը Սովետական Միությունում ընթանում է սոցիալիզմի և կապիտալիզմի միջև գաղափարական սրված պայքարի պայմաններում: Մեր հակառակորդները գաղափարական բոլոր միջոցներով ձգտում են արատավորել սոցիալիզմը, խեղաթյուրել մեր կուսակցության ներքին ու արտաքին քաղաքականությունը, գաղափարական դիվերսիաներ կազմակերպել սոցիալիստական երկրների դեմ: Ինչպես նշվեց համագումարում, ժաճել է դասակարգային հակառակորդի պրոպագանդիստական միջոցների ակտիվությունը, ուժեղացել են սովետական մարդկանց գիտակցության վրա քայքայիչ ազդեցություն գործելու նրա փորձերը⁴: Գաղափարական աշխատանքը

1 «ՍՄԿԻ XXVI համագումարի նյութերը», Երևան, 1981, էջ 123:

2 В. Ф. Правоторов, XXVI съезд КПСС и вопросы идеологической, политико-воспитательной работы, М., 1981, с. 40.

3 Ա. Ա. Հոփսեփյան, ՍՄԿԻ XXVI համագումարը և գաղափարա-դաստիարակչական աշխատանքի հետագա կատարելագործման հարցերը, Երևան, 1981, էջ 13:

4 «ՍՄԿԻ XXVI համագումարի նյութերը», էջ 123:

տանքում, հասկանալի է, պետք է լիովին հաշվի առնվեն այս երևույթներն ու հանգամանքները: Ելնելով դրանից, ՍՄԿԿ XXVI համագումարը խնդիր դրեց վերակառուցել գաղափարական աշխատանքը: Այդ վերակառուցումը, իհարկե, կարճատև կամպանիա չէ, այն պահանջում է բազմակողմանի ու քրտնաջան աշխատանք և նախատեսված է շատ տարիների համար: Գաղափարական աշխատանքի երկարատև գործողության փաստաթուղթ է գաղափարական, քաղաքական-դաստիարակական աշխատանքի հետագա բարելավման մասին ՍՄԿԿ Կենտկոմի 1979 թ. ապրիլի 26-ի որոշումը: Վերակառուցել գաղափարական աշխատանքը, չի նշանակում հրաժարվել ընդունված համակարգից: Ընդհակառակը, պետք է պահպանել այն ամենը, ինչ արժեքավոր է: Վերակառուցել գաղափարական աշխատանքը, ամենից առաջ նշանակում է հարստացնել պրոպագանդայի բովանդակությունը, ամրապնդել նրա կապը կոմունիստական շինարարության հրատապ խնդիրների հետ, բարձրացնել գիտարական մակարդակը և ուժեղացնել նրա հարձակողական բնույթը: Մյուս կողմից, վերակառուցումը պահանջում է կատարելագործել գաղափարական աշխատանքի ձև-վերը:

Գաղափարական աշխատանքի կարևոր օղակներից մեկը կուսակցական ուսուցումն է, կոմունիստների մարքս-լենինյան կրթությունը, որին միշտ էլ մեծ ուշադրություն է նվիրվել: Մեր կուսակցությունն ունի կոմունիստների քաղաքական կրթության կազմակերպման հարուստ փորձ: Խնամքով պահպանելով այդ փորձը, ՍՄԿԿ-ն մշտապես կատարելագործում է կուսակցական ուսուցման սիստեմը՝ հաշվի առնելով երկրի ներքին ու միջազգային դրության փոփոխվող պայմանները: 1980—81 ուստարում կուսակցական լուսավորության սիստեմում պարապում էր գրեթե 23 մլն մարդ⁵: Այդ նույն ժամանակամիջոցում Հայաստանում քաղաքական ուսուցման և տնտեսագիտական կրթության տարբեր ձևերում սովորում էր մոտ 1 մլն մարդ⁶: Համեմատության համար նշենք, որ 1979—80 ուստարում ունկնդիրների թիվը կազմում էր 763500 մարդ⁷:

ՍՄԿԿ XXVI համագումարը բարձր գնահատեց կոմունիստների մարքս-լենինյան կրթության կազմակերպման փորձը, նշեց, որ վերջին տարիներին կուսակցական ուսուցումը ձեռք է բերել որակական նոր գծեր: Կուսակցական կրթության ծանրության կենտրոնը փոխադրվել է դեպի ՍՄԿԿ տեսության և քաղաքականության հրատապ պրոբլեմների ուսումնասիրությունը: Աստիճանաբար կրճատվում է տարրական օղակի տեսակարար կշիռը, քանի որ կուսակցության կազմում յուրաքանչյուր տարի նոր համալրման շնորհիվ տարրական կրթություն ունեցող անձանց թիվը նվազում է և, ընդհակառակը, ավելանում է միջնակարգ կրթություն ունեցողների թիվը:

Կուսակցական ուսուցման, կոմունիստների մարքս-լենինյան կրթության արդյունավետությունը բարձրացնելու, նրա որակը բարելավելու խնդիրը շատ բանով պայմանավորված է նաև պրոպագանդիստների կազմով, նրանց աշխատանքով: Հիշենք Վ. Ի. Լենինի խոսքերը պրոպագանդիստների մասին: «Ոչ մի վերահսկողություն,— գրում է նա,— ոչ մի ծրագիր և այլն, բացարձակապես իվիճակի չեն փոփոխելու պարապմունքների այն ուղղությունը, որ որոշվում է դասախոսների կազմով»⁸: Եվ պատահական չէ, որ կուսակցությունը միշտ էլ սեևռուն ուշադրություն է դարձրել պրոպագանդիստների ընտրության, նրանց դաստիարակության հարցերին: Բացառություն չկազմեց նաև ՍՄԿԿ XXVI համագումարը, որը բարձր գնահատեց պրոպագանդիստի դերը, նրա դժվարին ու պատասխանատու աշխատանքը: «Պրոպագանդիստը,— նշվեց

5 Նույն տեղում, էջ 129:
 6 Կ. Ս. Գեմիլոյան, 244 Կենտկոմի հաշվետվությունը Հայաստանի կոմունիստական կուսակցության XXVII համագումարին, Երևան, 1981, էջ 80:
 7 «Սովետական Հայաստան», 21. IX. 1980:
 8 Վ. Ի. Լենին, Երկեր, Կ. 15, էջ 588:

համագումարում, — գլխավոր դեմքն է կուսակցական ուսուցման սիստեմում: Հենց նրանից է մեծապես կախված, թե ինչպիսիք կլինեն սեմինարները, քաղաքորոցները, համալսարանները: Թե արդյոք դրանք կլինեն՝ այնպիսի վայր, որտեղ երբեմն իշխում է ձանձրույթը, որտեղ միայն ստանում են սահմանված ժամերը, թե՞, ընդհակառակն, դրանք ամենուրեք կդառնան կուսակցական կենդանի մտքի և խոսքի իսկական կենտրոններ: Կուսակցության գաղափարախոսական, պրոպագանդիստական ակտիվից է առաջին հերթին կախված մարդկանց մարտերունքը կուսակցական ուսուցման նկատմամբ⁹:

Սովետական Միությունում աշխատում է պրոպագանդիստների մի հսկայական բանակ: Ահա մի քանի տվյալներ. 1980—81 ուստարում հաշվվում էր 2,4 մլն պրոպագանդիստ, որոնց 88,4%-ն ունեն բարձրագույն կրթություն¹⁰, Հայաստանի կուսակցական կազմակերպություններում աշխատում են մոտ 40 հազար պրոպագանդիստներ¹¹: Կոմունիստական կուսակցությունը մշտապես հոգ է տանում պրոպագանդիստների կազմի բարելավման մասին: Գնալով բարձրանում է պրոպագանդիստների որակական կազմը: Վերջին ժամանակներս նրանց շարքերը զգալիորեն համալրվել են կուսակցական, սովետական, տնտեսական աշխատողների և ժողովրդական տնտեսության մասնագետների հաշվին: Բավական է նշել, որ 1969—1975 թթ. պրոպագանդիստների ընդհանուր քանակի մեջ ղեկավար աշխատողների և մասնագետների տոկոսը 50,4-ից հասել է 72,8-ի¹²: Այդ ուղղությամբ դրական տեղաշարժեր են կատարվել նաև մեր հանրապետությունում, որտեղ պրոպագանդիստական աշխատանք են կատարում ավելի քան 15 հազար կուսակցական, սովետական և տնտեսական ղեկավար աշխատողներ¹³: Պարապմունքների անցկացմանը ղեկավար աշխատողների մասնակցությունը դրական է ազդում կոմունիստական շինարարության կոնկրետ պրակտիկայի հետ ուսուցման կապի ամրապնդման վրա: Կավ իմանալով գործերի վիճակը ձեռնարկություններում և արտադրամասերում, նրանք հնարավորություն ունեն պարապմունքների ընթացքում մատչելի ձևով շարադրելու կուսակցության տնտեսական ու սոցիալական քաղաքականությունը և այն շաղկապելու տվյալ կոնկրետի խնդիրների հետ: Նման պրակտիկայի շնորհիվ աճել է նաև ունկնդիրների հետաքրքրությունը, քանի որ էապես ընդլայնվել են երկրի, քաղաքի, շրջանի կյանքի հետ առնչված հարցերին հանգամանալի պատասխաններ պտանալու հնարավորությունները: Իր հերթին ղեկավար աշխատողների համար պարապմունքներ անցկացնելն աշխատավորների հետ կապի ամրապնդման լրացուցիչ և օգտակար ձև է:

Պրոպագանդիստական կադրերի պատրաստման արդյունավետ ձև են նաև մարքսիզմ-լենինիզմի համալսարանները: 1978 թ. երկրում գործում էր 266 այդպիսի համալսարան¹⁴: 229 մասնաճյուղով: Միայն 10-րդ հնգամյակի տարիներին այդ ուսումնական հաստատություններն ավարտել են ավելի քան 600 հազար պրոպագանդիստներ¹⁵: ՀԿԿ Կենտկոմի մարքսիզմ-լենինիզմի համալսարանը և նրա մասնաճյուղերը նույնպես ամեն տարի պատրաստում են մեծ թվով պրոպագանդիստներ:

ՍՄԿԿ XXVI համագումարը նշեց, որ կուսակցական ուսուցման որակի բարելավման խնդիրն անկարելի է լուծել առանց պրոպագանդիստական կադրերի ընտրության, պատրաստման և նրանց ժամանակին ինֆորմացիա տալու նկատմամբ հիմնավոր մտեցում ցուցաբերելու¹⁵: Չնայած վերջին տարիներին կուսակցական ուսուցման կազմակերպման բնագավառում դրական տեղա-

⁹ «ՍՄԿԿ XXVI համագումարի նյութերը», էջ 127:

¹⁰ «Политическое самообразование», 1981, № 9, с. 62.

¹¹ «Սովետական Հայաստան», 1. X. 1982:

¹² «Вопросы истории КПСС», 1981, № 12, с. 72.

¹³ Կ. Ս. Դեմիրճյան, ՀԿԿ Կենտկոմի հաշվետվությունը Հայաստանի կոմունիստական Կուսակցության XXVII համագումարին, էջ 80:

¹⁴ «Вопросы истории КПСС», 1981, № 12, с. 74.

¹⁵ «ՍՄԿԿ XXVII համագումարի նյութերը», էջ 127:

շարժեր են կատարվել, այդ գործում դեռևս կան թերութիւններ, որոնք իրենց նում են ուսուցման արդյունավետութիւնը: Նախ և առաջ կուսակցական լուսավորութեան շատ դպրոցներում ու սեմինարներում տեսական պատրաստութեան ընթացքում չի շարժվում մարդկանց հուզող պրոբլեմների լուծման հետ: Համագումարը նշեց, որ կուսակցական լուսավորութեան մեջ տակավին արմատախիլ չեն արվել ձևամոլութեան և աշակերտայնութեան դրուստութիւնները, որոնք նվազեցնում են ունկնդիրների շահագրգռվածութիւնը տեսութեան նկատմամբ: Շատ կազմակերպութիւններում երբեմն հրապարակում են գործի քանակական կողմով, ունկնդիրների թվի չափազանց շատ ընդլայնումով: Այնինչ, կարևորն ուսուցման որակի բարելավումն է: Զեւարկութիւն է դրուստութեան նաև կուսակցական ուսուցման խմբակների կոմպլեկտավորման ժամանակ, երբ հաշվի չեն առնվում ունկնդիրների հետաքրքրութիւնները, նրանց կրթական մակարդակը և պատահաբար ընտրում են որևէ ձև: ՀԿԿ Կենտկոմի 1982 թ. ապրիլյան պլենումը մատնանշեց, որ առանձին կուսակցական կազմակերպութիւններում գաղափարական աշխատանքը ոչ լիովին է համապատասխանում մարդկանց կրթական ու կուլտուրական աճած մակարդակին, նրանց պահանջմունքներին, անբավարար է հաշվի առնվում հասարակութեան սոցիալ-տնտեսական պրոցեսների ու հոգևոր կյանքի դինամիկան¹⁶:

Կուսակցական լուսավորութեան կազմակերպման թերութիւնները վերացնելու նպատակով ՍՄԿԿ XXVI համագումարը սահմանեց այդ գործի բարելավման հիմնական ուղղութիւնները: Խնդիր դրվեց վճռականապես բարձրացնել ուսուցման որակն ու արդյունավետութիւնը: Համագումարի որոշումների ու ցուցումների հիման վրա ՍՄԿԿ Կենտրոնական կոմիտեն 1981 թ. մայիսի 26-ին որոշում ընդունեց «ՍՄԿԿ XXVI համագումարի որոշումների լույսի ներքո կուսակցական ուսուցման հետագա կատարելագործման մասին»¹⁷: Որոշման մեջ զարգացվում և կոնկրետացվում են համագումարի հիմնադրութիւնները կուսակցական ուսուցման և գաղափարական աշխատանքի մասին ընդհանրապես: Նրանում նախատեսված միջոցառումների իրագործումը հնարավորութիւն կտա կուսակցական ուսուցման բովանդակութիւնն ու կազմակերպական ձևերը համապատասխանեցնել զարգացած սոցիալիզմի, համաշխարհային ասպարեզում մղվող գաղափարական պայքարի պահանջներին, կոմունիստների հանարկրթական ու քաղաքական պատրաստութեան աճած մակարդակին: Ընդգծվում է, որ կուսակցական լուսավորութեան արդյունավետութիւնը կարելի է ապահովել ուսուցման բովանդակութեան հարստացման և այժմեականացման, կազմակերպական կառուցվածքի փոփոխման, պրոպագանդիստական կադրերի պատրաստման հետագա բարելավման, ուսուցման ուսումնամեթոդական բազայի ամրապնդման, պրոպագանդայի ձևերի հետագա կատարելագործման միջոցով: Ելնելով արդի ժամանակաշրջանում կուսակցութեան առջև կանգնած խնդիրներից, Կենտրոնական կոմիտեն հաստատել է կուսակցական ուսուցման նոր կառուցվածք:

Գաղափարական աշխատանքը սերտորեն կապված է տեսութեան հետ: Կուսակցութեան գաղափարական գործունեութիւնը ծավալվում է գիտութեան, մարքս-լենինյան տեսութեան ստեղծագործական զարգացման ու կիրառման հիման վրա: Կոմունիստական շինարարութեան ընթացքում ծագում են բարդ պրոբլեմներ՝ կապված էկոնոմիկայի, սոցիալական հարաբերութիւնների, սոցիալիստական դեմոկրատիայի զարգացման, աշխատավորների դաստիարակութեան հետ: Նման հարցերը, հասկանալի է, չի կարելի լուծել առանց հասարակական կյանքի նոր երևութիւնների ու պրոցեսների տեսական ընդհանրացման:

Վերջին տարիներին կուսակցութիւնը կատարել է մի շարք կարևոր տեսական ընդհանրացումներ ու հետևութիւններ: Առանձնապես հարկ է նշել

¹⁶ «Սովետական Հայաստան», 21. IV. 1982:

¹⁷ «Политическое самообразование», 1981, № 6, «Партийная жизнь», 1981, № 12.

զարգացած սոցիալիզմի ըմբռնման մշակումը: Զարգացած սոցիալիզմի մասին, ինչպես հայտնի է, Վ. Ի. Լենինը խոսել է դեռևս 1918 թ.: Մի փոքր ավելի ուշ նա գրել է. «Քե ինչպես պատկերացնեմ զարգացած սոցիալիստական հասարակությունը, դա... դժվար չէ: ...Բայց թե ինչպես գործնականորեն իրականացնել անցումը հին, սովորական ու բոլորին ծանոթ կապիտալիզմից դեպի նոր, դեռևս չծնված, ամուր բազա չունեցող սոցիալիզմը՝ ահա ամենագոյնիան խնդիրը: Այդ անցումը շատ տարիներ կխլի լավագույն դեպքում»¹⁸: Լենինյան դրույթների հիման վրա ՄՄԿԿ-ն, եղբայրական մյուս կուսակցությունները մշակեցին զարգացած սոցիալիզմի ըմբռնումը: Այս տեսակետից կարևոր նշանակություն ունեն ՄՄԿԿ XXV և XXVI համագումարների հետևությունները զարգացած սոցիալիստական հասարակության օրինաչափությունների մասին: Դրանք հնարավորություն տվեցին էականորեն հարստացնել ու ճշտել մեր պատկերացումները հասարակական-տնտեսական նոր ֆորմացիայի լինելիության օրինաչափությունների և սոցիալիզմից աստիճանաբար կոմունիզմին անցնելու ուղիների մասին: Զարգացած սոցիալիզմի վերաբերյալ ըմբռնումն օգնում է ավելի ճիշտ հասկանալ պատմական այն վերափոխությունների վիթխարիությունը, որ կատարվել են սոցիալիզմի հիմքերի կառուցումից հետո, սթափ գնահատել ժամանակակից փուլի հնարավորությունները, ծագող պրոբլեմների ընդլայնումը և դրանց լուծման եղանակները:

Մեթոդոլոգիական կարևոր նշանակություն ունի այն դրույթը, որ զարգացած սոցիալիզմն անհրաժեշտ փուլ է կոմունիզմի ճանապարհին, նոր հասարակարգի հասունության սոցիալ-տնտեսական օրինաչափ աստիճան: Կարևոր է մի այլ հանգամանք: ՄՍՀՄ և մյուս սոցիալիստական երկրների փորձը վկայում է, որ սոցիալիզմի հիմքերի ստեղծումը, այսինքն՝ շահագործողական դասակարգերի վերացումը և ժողովրդական տնտեսության բոլոր հատվածներում արտադրության միջոցների հանրային սեփականության հաստատումը, դեռևս թույլ չի տալիս սկսել անմիջական անցումը կոմունիզմին: Պետք է սեփական հիմքի վրա անցնել սոցիալիզմի զարգացման որոշակի փուլեր: Ընդ որում, պրակտիկական ցույց է տալիս, որ սոցիալիզմի զարգացումը, կատարելագործումը պակաս բարդ, պատասխանատու խնդիր չէ, քան նրա հիմքերի ստեղծումը: Ոմանք զարգացած սոցիալիզմը պատկերացնում են որպես կարճատև ժամանակահատված: Բայց դա սխալ տեսակետ է: Զարգացած սոցիալիզմն անհրաժեշտ և պատմականորեն տևական ժամանակաշրջան է կոմունիստական ֆորմացիայի կազմավորման մեջ: Այդ հետևությունը տեսական և գործնական մեծ նշանակություն ունի: Այն մեզ օգնում է ռեալիստորեն մոտենալ կոմունիստական շինարարության խնդիրներին: Հենվելով զարգացած սոցիալիզմի ըմբռնման վրա, «Կուսակցությունը ճշգրտել և կոնկրետացրել է մեր ծրագրային նպատակների իրականացման ուղիներն ու ժամկետները, սահմանել տևական պատմական ժամանակաշրջանի ստրատեգիան ու տակտիկան»¹⁹:

Իսկ ե՞րբ է Սովետական Միությունը թևակոխել զարգացած սոցիալիզմի փուլը: Այս հարցի մասին մեր պատմակուսակցական գրականության մեջ կան տարբեր տեսակետներ: Ոմանք պնդում են, որ ՄՍՀՄ-ը 1960-ական թվականների սկզբներին է թևակոխել զարգացած սոցիալիզմի ժամանակաշրջանը, մյուսների կարծիքով դա տեղի է ունեցել 1970-ական թվականների սկզբներին: Կարծում ենք, որ հիմնավոր է առաջին տեսակետը: ՄՄԿԿ երրորդ ծրագրի ընդունումն իրենով նշանավորում է սովետական հասարակության թևակոխումը զարգացած սոցիալիզմի փուլը:

Զարգացած սոցիալիզմի ըմբռնման հետ սերտորեն առնչվում է մեր երկրում անդասակարգ հասարակություն կառուցելու հարցը, որին մեծ ուշադրություն անվիրեց ՄՄԿԿ XXVI համագումարը: «70-ական թվականներին, — ընդգծվեց համագումարում, — շարունակվում էր սովետական հասարակության

18 Վ. Ի. Լենին, ԵԺԺ, հ. 40, էջ 126:

19 «ՄՄԿԿ XXVI համագումարի նյութերը», էջ 128:

բոլոր դասակարգերի ու սոցիալական խմբերի մերձեցումը: Մեր նպատակն է ստեղծել մի հասարակություն, որի մեջ չի լինի մարդկանց բաժանում դասակարգերի: Եվ կարելի է որոշակիորեն ասել, մենք աստիճանաբար, բայց վրստահորեն առաջ ենք ընթանում դեպի այդ մեծ նպատակը²⁰: Այս հետևությունը բխում է այն փոփոխություններից, որոնք զարգացած սոցիալիզմի պայմաններում տեղի են ունեցել բանվոր դասակարգի, կոլտնտեսային գյուղացիության և մտավորականության կազմում: Ի՞նչ փոփոխություններ են դրանք: Նախ, գնալով ավելի ու ավելի բարձրանում է բանվոր դասակարգի դերը հասարակության կյանքում, աճում է նրա թիվը: Ներկայումս մեր երկրում կուշուրջ 80 միլիոն բանվոր, այլ խոսքով՝ զբաղված բնակչության մոտ $\frac{2}{3}$ -ը²¹: Դա նշանակում է, որ բանվոր դասակարգը դարձել է ոչ թե պարզապես ամենաբազմաքանակ դասակարգը, այլ աշխատավոր ժողովրդի մեծամասնությունը: Բանվոր դասակարգի առաջատար գերի ամրապնդումը կապված է նրա գաղափարաբաղաբական հասունության, կրթվածության և մասնագիտական որսուղավորման հետ: Այսպես, օրինակ, տասը տարի առաջ բանվորների կեսից միայն փոքր-ինչ ավելին ուներ միջնակարգ և բարձրագույն կրթություն, իսկ 1981 թ.՝ երեք քառորդը²²: Բանվոր դասակարգի քանակական ու որակական մեծ աճ է տեղի ունեցել նաև Սովետական Հայաստանում²³, ըստ որում, Հայաստանի բանվոր դասակարգի քանակական աճը կատարվել է ավելի բարձր տեմպերով: Այսպես, եթե ամբողջությամբ վերցրած, ՍՍՀՄ-ում բանվորների թիվը 1940—1978 թթ. ավելացել է մոտ 3,2 անգամ, ապա Հայաստանում՝ 8,42 անգամ²⁴: Դա պատահական չէ. Սովետական Հայաստանի արդյունաբերական զարգացման տեմպերը նույնպես բարձր էին միութենականի համեմատությամբ: Աճել է նաև հանրապետության բանվոր դասակարգի կրթական մակարդակը: Այսպես, եթե 1939 թ. Հայաստանի ժողովրդական տնտեսության մեջ որպեսզի 1000 բանվորից բարձրագույն և միջնակարգ կրթություն ունեին 13,2%-ը, ապա 1970-ական թվականներին այդ ցուցանիշը բարձրացավ մոտավորապես 75%-ի²⁵:

Խոր փոփոխություններ են տեղի ունենում նաև երկրի կոլտնտեսային գյուղացիության կյանքում: Նրա աշխատանքը աստիճանաբար մերձենում է բանվորների աշխատանքին: Սոցիալական դրուժյամբ նա ավելի ու ավելի է մոտենում բանվոր դասակարգին, իր կրթական մակարդակով քիչ բանով է տարբերվում քաղաքային բնակչությունից: Աճում է միջնակարգ և բարձրագույն կրթություն ունեցող կոլտնտեսականների թիվը՝ վերջին 10 տարում 39%-ից հասնելով ավելի քան 60-ի²⁶: Նույնպիսի պրոցես նկատելի է նաև Սովետական Հայաստանում: 1939 թ. բարձրագույն և միջնակարգ (լրիվ ու թերի) կրթություն ունեին հանրապետության աշխատող կոլտնտեսականների 2,5, իսկ 1970 թ.՝ 48,1%-ը²⁷: 1970-ական թվականներին հանրապետության կոլտնտեսային գյուղացիության կրթական մակարդակը ավելի աճեց:

Գյուղի սոցիալական կառուցվածքի վրա մեծ ազդեցություն է գործում սոցիալիստական սեփականության երկու ձևերի մերձեցումը, միջտնտեսային կազմակերպությունների զարգացումը: Փոփոխվում են կոլտնտեսականների աշխատանքի կազմակերպման և վարձատրության ձևերը, կոլտնտեսականների վրա տարածվում է բանվորների ու ծառայողների համար սահմանված սոցիա-

20 Նույն տեղում, էջ 81:

21 Նույն տեղում, էջ 84:

22 Նույն տեղում:

23 Այդ մասին մանրամասն տե՛ս Ս. Ա մ ի Ր յ ա ն, Հասարակության սոցիալական կառուցվածքի վերափոխումն ու զարգացումը Հայկական ՍՍՀ-ում, Երևան, 1981:

24 Նույն տեղում, էջ 312:

25 Նույն տեղում, էջ 326:

26 «ՍՍԿԿ XXVI համագումարի նյութերը», էջ 85:

27 Ս. Ա մ ի Ր յ ա ն, նշվ. աշխ., էջ 349:

լական ապահովության սիստեմը: Այս ամենը, ինչ խոսք, տանում է դեպի բան-վոր դասակարգի և կոլտնտեսային գյուղացիության սոցիալական դրուժյան միջև եղած տարբերության վերացումը: Այս առումով բացառիկ նշանակություն կունենա ՍՄԿԿ Կենտկոմի 1982 թ. մայիսյան պլենումի որոշումների կենսագործումը: Դա թույլ կտա ոչ միայն լուծել պարենային պրոբլեմը, այլև վերափոխել գյուղի դեմքը: Բավական է նշել, որ գյուղում բնակարանային, կուլտուր-կենցաղային, ճանապարհային շինարարության նպատակին 1980-ական թվականներին կհատկացվի մոտավորապես 160 մլրդ ռ.²⁸: «Դա մեծ թիվ է, — նշվեց պլենումում, — բայց դա ոչ միայն մեծ թիվ է, դա մեծ քաղաքականություն է, որ ուղղված է քաղաքի և գյուղի միջև եղած սոցիալական տարբերությունների վերացման նպատակին»²⁹:

Վերջին տարիներին բոլորից արագ աճում է ք. մտավորականության թիվը: Ներկայումս երկրում յուրաքանչյուր չորրորդ աշխատողը հիմնականում կապված է մտավոր աշխատանքի հետ³⁰: Մեր կյանքի բոլոր բնագավառներում մտավորականությունն ավելի ու ավելի նշանակալի դեր է կատարում: Հարկ է նշել, որ իր հերթին միլիոնավոր բանվորների և կոլտնտեսականների արտադրական գործունեության մեջ ավելի ու ավելի սերտորեն է միահյուսվում ֆիզիկական ու մտավոր աշխատանքը: Վերջին չորս տասնամյակում խոշոր քանակական փոփոխություն է կրել նաև Սովետական Հայաստանի սոցիալիստական մտավորականությունը: Աճել է նրա տեսակարար կշիռը հանրապետության սոցիալ-դասակարգային կազմում. այն 1939 թ. 12—13% -ից աճել է երկու անգամ և 1978 թ. հասել մոտ 24—25% -ի³¹:

Վերլուծելով սովետական հասարակության սոցիալական կառուցվածքի փոփոխությունները, ՍՄԿԿ XXVI համագումարը մարքսիստական-լենինյան տեսության մեջ առաջին անգամ առաջադրեց մի հետաքրքիր դրույթ: «Հասարակության անդասակարգ կառուցվածքի կազմավորումը, — նշվեց համագումարում, — գլխավորապես և հիմնականում տեղի կունենա հասուն սոցիալիզմի պատմական շրջանակներում»³²: Այդ եզրակացությունն էականորեն հարստացնում է զարգացած սոցիալիզմի ըմբռնումը: Այս խնդրի լուծումը, իհարկե, ընդգրկում է պատմական երկարատև ժամանակաշրջան:

Անդրադառնալով սոցիալականության անդասակարգ կառուցվածքի կազմավորման պրոցեսին, համագումարը նշեց, որ «դա օբյեկտիվ, բայց բնավ էլ ոչ տարեբային պրոցես է: Դրանում կարևոր դեր է խաղում կուսակցության ու պետության սոցիալական քաղաքականությունը»³³: Ելնելով դրանից, համագումարը սահմանեց կուսակցության սոցիալական քաղաքականության հիմնական ուղղությունները 11-րդ հնգամյակում և 1980-ական թվականների համար: Խնդիր է դրվում ամենից առաջ մեծ ուշադրություն դարձնել այն պրոբլեմների լուծման վրա, որոնք պահանջում են հաշվի առնել հասարակության յուրաքանչյուր խմբի առանձնահատկություններն ու շահերը, հաղթահարել սոցիալական տարբերությունները տարածքային իմաստով, որը կապված է երկրի մի շարք շրջանների (Արևմտյան Սիբիր, ԲԱՄ-ի գոտի) կուլտուր-կենցաղային պայմանների ոչ միատեսակության հետ: Արտադրողական ուժերի ռացիոնալ տեղաբաշխումը պահանջում է ավելացնել բնակչության հոսքը դեպի երկրի արևելյան շրջանները: Նախատեսվում է 11-րդ հնգամյակում այդ շրջաններում է՛լ ավելի արագ տեմպերով իրականացնել բնակարանային և կուլտուր-կենցաղային շինարարությունը: Կուժեղացվի հոգատարությունն ընտանիքի, նորապսակների, կանանց, կենսաթոշակառուների նկատմամբ,

²⁸ «Սովետական Հայաստան», 25. V. 1982 թ.:

²⁹ Նույն տեղում:

³⁰ «ՍՄԿԿ XXVI համագումարի նյութերը», էջ 86:

³¹ Ս. Ա մ ի ր յ ա ն, նշվ., աշխ., էջ 356:

³² «ՍՄԿԿ XXVI համագումարի նյութերը», էջ 86:

³³ Նույն տեղում, էջ 84:

կերճատվի ձեռքի սակավ որակյալ, ծանր ֆիզիկական աշխատանքը, կբարձրացվի աշխատավարձն ու կենսաթոշակների շահիւր և այլն: Այս ամենը կնրպաստի անդասակարգ հասարակարգի կազմավորմանը:

Այն եզրակացությունը, որ հասարակության անդասակարգ կառուցվածքի կազմավորումը գլխավորապես և հիմնականում տեղի կունենա զարգացած սոցիալիզմի պատմական շրջանակներում, կարևոր նշանակություն ունի նաև մի այլ առումով: Այդ պրոցեսի առաջատար ուժը եղել է մնում է բանվոր դասակարգը: Նրա հեղափոխական գաղափարախոսությունն ու բարոյականությունը, կոլեկտիվիստական հոգեբանությունը, նրա շահերն ու իդեալները ներկայումս դառնում են սովետական հասարակության բոլոր խավերի սեփականությունը: Բանվոր դասակարգի առաջատար դերը կպահպանվի նաև առաջիկայում: Այս փաստերը հերքում են Արևմուտքում լայն տարածում ստացած այն ուղիղոնիստական տեսությունը, որի համաձայն իբր թե գիտատեխնիկական հեղափոխության հետևանքով մեր օրերում գնալով թույլանում է բանվոր դասակարգի դերը, կրճատվում է նրա թիվը և հասարակության մեջ վճռական դերն անցնում է տեխնիկական մտավորականությանը:

Հասարակության սոցիալական կառուցվածքը սերտորեն կապված է ազգային կառուցվածքի հետ: Պատահական չէ, որ կուսակցությունն առանձնակի ուշադրություն է նվիրում այդ հարցերին: Ինչպես նշել է Յու. Վ. Անդրոպովը, «ազգային հարաբերությունների մեջ 60 տարում տեղի ունեցած ռեալ որակական փոփոխությունները վկայում են, որ ազգային հարցը այն տեսքով, ինչ տեսքով մեզ թողնվել էր շահագործողական հասարակարգի կողմից, լուծված է հաջողությամբ, լուծված է վերջնականապես և անդրադառնալիորեն: Պատմության մեջ առաջին անգամ երկրի բազմազգ կազմը նրա թուլության աղբյուրից վեղածվել է ուժի ու ծաղկման աղբյուրի»³⁴: Դա ամենից առաջ նշանակում է, որ վերացել է ազգերի և ազգությունների փաստական անհավասարությունը: Հետամնաց ազգային ծայրամասեր այլևս գոյություն չունեն: Էկոնոմիկայի և կուլտուրայի իսկական ծաղկման են հասել սովետական բոլոր հանրապետությունները, ձևավորվել է երկրի միասնական միութենական ժողովրդատնտեսական կոմպլեքսը: Հիշենք որոշ փաստեր: Միայն 10-րդ հրեաժամյալում Ղազախստանում գործարկվել են 250-ից ավելի ժամանակակից արդյունաբերական ձեռնարկություններ, խոշոր արտադրամասեր և արտադրություններ³⁵: Միջին Ասիայի հանրապետություններում, ուր մինչև Հոկտեմբերը հողագործին հայտնի էր միայն ձեռքի հյուծիչ աշխատանքը, ներկայումս 100 հա վարելահողին ընկնող էներգազինվածությունը կրկնակի գերազանցում է միութենական միջին ցուցանիշները³⁶: Արագ տեմպերով է զարգանում անդրկովկասյան հանրապետությունների ժողովրդական տնտեսությունը: Նշենք միայն մեկ փաստ: Հայկական ՍՍՀ արդյունաբերական արտադրանքի ընդհանուր ծավալը 1922 թ. համեմատությամբ, երբ կազմավորվում էր ՍՍՀՄ-ը, 1981 թ. աճել է 1008 անգամ³⁷: Նման օրինակներ կարելի է բերել նաև մյուս հանրապետություններից: Այս հաջողությունները ձեռք են բերվել սովետական ժողովրդի համերաշխ ընտանիքում: «Մեր ժողովուրդը, — ՀԿԿ XXVII համագումարում ասաց Կ. Ս. Դեմիրճյանը, — երբեք չի մոռանա այն հսկայական անշահահանդիր օգնությունը, որ մշտապես ցույց է տվել ռուս ժողովուրդը թե՛ նրա համար ծանր պատմական ժամանակաշրջանում, թե՛ սոցիալիստական ու կոմունիստական շինարարության բոլոր փուլերում: Ռուս մեծ ժողովրդի հետ, սովետական երկրի բոլոր ժողովուրդների հետ եղբայրական բարեկամությունը մեր ժողովրդի բարոյաքաղաքական, սոցիալական վիթխարի ձեռքբերումն է»³⁸:

³⁴ Յու. Վ. Անդրոպով, ՍՍՀՄ վաթսուն տարին, Երևան, 1983, էջ 9:

³⁵ «ՍՄԿԿ XXVI համագումարի նյութերը», էջ 90:

³⁶ Նույն տեղում:

³⁷ «Правда», 24. V. 1982.

³⁸ Կ. Ս. Դեմիրճյան, ՀԿԿ Կենտկոմի հաշվետվությունը Հայաստանի կոմունիստական կուսակցության XXVII համագումարին, էջ 86:

Չարգացած սոցիալիստական հասարակության բնորոշ կողմերից մեկն էլ այն է, որ տեղի է ունենում ազգերի ու ազգությունների հետագա ծաղկում և անշեղ մերձեցում: Դա օբյեկտիվ բնույթ ունի: Այն չի կարելի ոչ արհեստականորեն արագացնել, ոչ էլ արգելակել: Սոցիալիստական ազգերին հատուկ է ինտերնացիոնալիզմը, որի գործնական դրսևորման լավ օրինակ է Թուրքսիրի, Ուրալ-Կուզրասի, ԲԱՄ-ի շինարարությունը, խոպանի յուրացումը, համաժողովրդական օգնությունը երկրաշարժից տուժած Տաշքենդին: Այժմ կուսակցությունը և սովետական կառավարությունը իրագործում են ՌՍՖՍՀ-ի ոչ սեահողային դառու զարգացման լայն միջոցառումներ, գոտի, որը մի շարք պատճառների բերումով հայտնվել է դժվարին պայմաններում: Այդ խնդիրները կարող են լուծվել միայն բոլոր հանրապետությունների համատեղ ջանքերով: Ակտիվ մասնակցությունը ոչ սեահողային գոտու զարգացման կոմպլեքսային ծրագրի իրականացման գործին ինտերնացիոնալիզմ է գործնականում: Ազգային հարցի լուծման գործում եզած հաջողությունները,— նշել է Ցու. Վ. Անդրուսովը,— ընտել են նշանակում, թե վերացել են այն բոլոր պրոբլեմները, որոնք ծնում է միասնական պետության շրջանակներում բազմաթիվ ազգերի ու ազգությունների կյանքի ու աշխատանքի բուն փաստը: Նման բան հազիվ թե հնարավոր է, քանի դեռ գոյություն ունեն ազգերը, քանի դեռ կան ազգային տարրերությունները: Իսկ գրանք գոյություն կունենան երկար ժամանակ, շատ ավելի երկար, քան գասակարգային տարրերությունները»³⁹:

Ելնելով այս հանգամանքներից, ՄՄԿԿ-ն սահմանել է զարգացած սոցիալիզմի փուլում ազգային քաղաքականության հրատապ խնդիրները, որոնք ուրտացովել են կուսակցության XXVI համագումարի և ՄՄՀՄ կազմավորման 60-ամյակին վերաբերող փաստաթղթերում: Խնդիր է դրվում ապահովել տարբեր շրջանների ու հանրապետությունների ջանքերի է՛լ ավելի սերտ միավորումը, նրանց բնական և աշխատանքային ռեսուրսների, կլիմայական առանձնահատկությունների առավել խելացի օգտագործումը, պահանջվում է կատարելագործել արտադրողական ուժերի տեղաբաշխումը, ռեզեռնալ մասնագիտացումն ու կոոպերացումը, էպպես ըարելավել տրանսպորտի աշխատանքը, ավելի բեղմնավոր դարձնել ազգերի հոգևոր հարստությունների փոխանակումը, շթուլացող ուշադրություն նվիրել բանվոր դասակարգի ազգային ջոկատների աճին:

ՄՄԿԿ XXVI համագումարը, ընդհանրացնելով գաղափարական աշխատանքի և տեսության բնագավառում ձեռք բերված հաջողությունները, միաժամանակ քննադատեց թերությունները, մեծ խնդիրներ դրեց հասարակագետների առջև, որոշեց հասարակական, և ոչ միայն հասարակական, գիտությունների զարգացման գլխավոր ուղղությունները 1980-ական թվականների համար:

XXVI СЪЕЗД КПСС И НЕКОТОРЫЕ ВОПРОСЫ ИДЕОЛОГИЧЕСКОЙ РАБОТЫ

ГРИГОР АЙВАЗЯН

Резюме

XXVI съезд КПСС—важная веха в жизни Коммунистической партии и советского народа. Съезд проанализировал накопленный опыт и выдвинул новые задачи в области внутренней и внешней политики. Особое место в работе съезда заняли вопросы идеологической работы партии. Съезд поставил задачу поднять результативность идеологической работы.